




Broj/Број: 01/5-50-1-12-34/05
Sarajevo/Сарајево: 19.7.2006.godine.



ZAPISNIK

34. sjednice Komisije za ljudska prava, imigraciju, izbjeglice i azil (u daljnjem tekstu: Komisije), koja je održana 12.7.2006. godine s početkom u 11,00 sati.

Sjednici Komisije prisustvovali su:

- Elmir Jahić, predsjedavajući Komisije,
- dr. Tihomir Gligorić, drugi zamjenik predsjedavajućeg Komisije,
- Vlatka Komšić, član Komisije,
- Selim Bešlić, član Komisije,
- Nadžida Mlačo, član Komisije.

Odsustvovali su: Martin Raguž, prvi zamjenik predsjedavajućeg Komisije; Senija Kapetanović, član Komisije; Marija Perkanović, član Komisije; Muhamed Altić, član Komisije.

Za sjednicu je usvojen slijedeći:

Dnevni red:

01. Usvajanje zapisnika 33. sjednice Komisije,
02. Razmatranje izvještaja Ombudsmena za ljudska prava BiH,
03. Uspostavljanje Vijeća nacionalnih manjina pri Parlamentarnoj skupštini BiH,
04. Razgovor s delegacijom Komisije za ljudska prava Velike narodne skupštine Turske,
05. Tekuća pitanja

Ad. - 1. Usvajanje zapisnika 32. sjednice Komisije

Otvarajući prvu tačku dnevnog reda, **Elmir Jahić, predsjedavajući Komisije** otvorio je raspravu o zapisniku 33. sjednice Komisije.

Nije bilo rasprave o zapisniku. Kako nije bilo rasprave o zapisniku 33. sjednice Komisije, nakon glasanja, predsjedavajući Komisije je konstatirao da je zapisnik jednoglasno usvojen u onom obliku kako je i prezentiran.

Ad. - 2. Razmatranje izvještaja Ombudsmena za ljudska prava

U uvodu za ovu tačku dnevnog reda **predsjedavajući Komisije** je upoznao prisutne da je od strane Ombudsmena za ljudska prava BiH ovoj Komisiji upućeno nekoliko izvještaja i to:

1. Godišnji izvještaj za 2004. godinu,
2. Specijalni izvještaj u vezi sa Zakonom o utvrđivanju i načinu izmirenja unutarnjeg duga Republike Srpske i Zakona o utvrđivanju i načinu izmirenja unutarnjih obaveza Federacije BiH Institucije Ombudsmena za ljudska prava BiH,

3. Specijalni izvještaj u vezi usklađenosti Zakona o krivičnom postupku sa članom 14. stav 5. Međunarodnog pakta o građanskim i političkim pravima Institucije Ombudsmena za ljudska prava BiH,
4. Specijalni izvještaj u vezi žalbi koje se odnose na dužinu sudskih postupaka Institucije Ombudsmena za ljudska prava BiH.

Predsjedavajući Komisije ukazao je na činjenicu da Potkomisija za Specijalni izvještaj u vezi žalbi koje se odnose na dužinu sudskih postupaka Institucije Ombudsmena za ljudska prava BiH nije dostavila svoj izvještaj, pa je predložio da se razmatraju slijedeći izvještaji:

1. Godišnji izvještaj za 2004. godinu,
2. Specijalni izvještaj u vezi sa Zakonom o utvrđivanju i načinu izmirenja unutaršnjeg duga Republike Srpske i Zakona o utvrđivanju i načinu izmirenja unutaršnjih obaveza Federacije BiH Institucije Ombudsmena za ljudska prava BiH,
3. Specijalni izvještaj u vezi usklađenosti Zakona o krivičnom postupku sa članom 14. stav 5. Međunarodnog pakta o građanskim i političkim pravima Institucije Ombudsmena za ljudska prava BiH.

Predložio je diskusiju o svakom izvještaju posebno.

U diskusiji su uzeli učešće svi prisutni članovi.

Nakon diskusija, Komisija je jednoglasno prihvatila izvještaje te odredila izvjestioce i to:

- a) za Godišnji izvještaj za 2004. godinu Vlatka Komšić ili Nadžida Mlaćo (kako se dogovore),
- b) Specijalni izvještaj u vezi usklađenosti Zakona o krivičnom postupku sa članom 14. stav 5. Međunarodnog pakta o građanskim i političkim pravima Institucije Ombudsmena za ljudska prava BiH,
- c) Specijalni izvještaj u vezi sa Zakonom o utvrđivanju i načinu izmirenja unutaršnjeg duga Republike Srpske i Zakona o utvrđivanju i načinu izmirenja unutaršnjih obaveza Federacije BiH Institucije Ombudsmena za ljudska prava BiH Selim Bešliagić.

Ad. – 3- Uspostavljanje Vijeća nacionalnih manjina pri Parlamentarnoj skupštini BiH

U uvodu za ovu tačku dnevnog reda, predsjedavajući Komisije je podsjetio prisutne da je Parlamentarna skupština BiH donijela Odluku o osnivanju Vijeća nacionalnih manjina Bosne i Hercegovine, koja je objavljena u «Službenom glasniku BiH», broj 38/06. Ujedno je ukazao na obavezu hitnog osnivanja Vijeća nacionalnih manjina pri Parlamentarnoj skupštini BiH.

Predložio je diskusiju o ovoj tački dnevnog reda.

Selim Bešliagić je predložio da se raspiše obavijest i da se izaberu članovi Vijeća nacionalnih manjina.

Elmir Jahić je predložio obrazovanje Potkomisije od 3 člana koja bi zajedno s sličnom Potkomisijom Ustavno-pravne komisije Doma naroda predložila članove.

dr Tihomir Gligorić je prihvatio ideju o obrazovanju Potkomisije. Ukoliko bi bilo nemoguće izabrati članove Vijeća na ovaj način, predložio je primjenu člana 3. stava 2. Odluke, odnosno mogućnost komisija Parlamentarne skupštine BiH samoinicijativnog predlaganja članova.

Nakon diskusija zaključeno je slijedeće:

1. potrebno je što prije uspostaviti Vijeće nacionalnih manjina pri Parlamentarnoj skupštini BiH,
2. Komisija formira Potkomisiju u sastavu: Marija Perkanović, Nadžida Mlaćo i Vlatka Komšić koja će, zajedno s Potkomisijom Doma naroda PS BiH osmisлити i provesti postupak odabira članova Vijeća nacionalnih manjina, te spisak dostaviti Komisiji na daljnji postupak.
3. Aktivnost Potkomisije će se uskladiti s aktivnošću Potkomisije koju će obrazovati Ustavno-pravna komisija Doma naroda,

4. Postupak odabira članova Vijeća nacionalih manjina treba provesti do kraja augusta 2006. godine.

Ad. – 4. Razgovor s delegacijom Komisije za ljudska prava Velike narodne skupštine Turske,

U uvodu za ovu tačku dnevnog reda **predsjedavajući Komisije** je upoznao prisutne da je posredstvom Ambasade Republike Turske zakazana sjednica Komisije i radni dio u kojem će se razgovarati s predstavnicima Komisije za ljudska prava Velike narodne skupštine Turske. Sastanak će biti u 12. sati, a poslije sastanka upriličeno je obraćanje članova Komisije sredstvima javnog informiranja.

Nakon ovih podataka članovi Komisije nisu diskutirali o pojedinostima, pa je predsjedavajući Komisije zaključio ovu tačku dnevnog reda.

Završavajući ovu tačku dnevnog reda, Komisija je završila svoju 34. sjednicu. Sjednica je završena u 11,44 sati.

SEKRETAR KOMISIJE

dr. Zijad Hasić
dr. Zijad Hasić

PREDSJEDAVAJUĆI KOMISIJE

Elmir Jahić

Elmir Jahić